

Na osnovu člana 12. Statuta Zavoda zdravstvenog osiguranja Tuzlanskog kantona („Službene novine TK“ broj: 4/16) direktor donosi

**Proceduru
za odobravanje zdravstvenih usluga, sanacije zuba u opštoj anesteziji**

I OPŠTE ODREDBE

Član 1.

- (1) Procedurom za odobravanje zdravstvenih usluga, sanacije zuba u opštoj anesteziji uređuje se način i postupak odobravanja zdravstvenih usluga, sanacije zuba u opštoj anesteziji.
- (2) Odredbe ove Procedure primjenjuju se i na ugovorne zdravstvene ustanove (JZU domovi zdravlja sa područja Tuzlanskog kantona i JZU UKC Tuzla) koje učestvuju u realizaciji navedenih zdravstvenih usluga.

Član 2.

Zdravstvene usluge iz člana 1. ove Procedure odobravaju se osiguranim licima kojima je dijagnostikovana autizam ili jedan od stepena mentalne retardacije koji predstavlja medicinsku indikaciju za sanaciju zuba u opštoj anesteziji.

II PRETHODNI POSTUPAK

Član 3.

- (1) Utvrđivanje potrebe za sanacijom zuba u opštoj anesteziji vrši doktor stomatologije iz ugovornog doma zdravlja.
- (2) Doktor stomatologije, iz stava (1) ovog člana, osiguranom licu kod kojeg utvrdi da ispunjava medicinsku indikaciju iz člana 2. ove Procedure, dužan je izdati nalaz i mišljenje o utvrđenoj medicinskoj indikaciji i u slučaju potrebe uputiti osigurano lice na rendgensko snimanje vilice (pojedinačno ili OPG).

III POSTUPAK ZA ODOBRAVANJE ZDRAVSTVENE USLUGE

Član 4.

- (1) Postupak odobravanja zdravstvene usluge, sanacije zuba u opštoj anesteziji osigurano lice pokreće podnošenjem zahtjeva Zavodu zdravstvenog osiguranja Tuzlanskog kantona.
- (2) Uz zahtjev se prilaže nalaz i mišljenje doktora stomatologije o utvrđenoj medicinskoj indikaciji iz člana 2. ove Procedure.

Član 5.

- (1) Po sprovođenju postupka i utvrđivanja osnovanosti za odobravanje zdravstvene usluge, sanacije zuba u opštoj anesteziji, Zavod zdravstvenog osiguranja Tuzlanskog kantona izdaje saglasnost za odobravanje zdravstvene usluge, sanacije zuba u opštoj anesteziji u tri primjerka (osiguranom licu, ugovornoj zdravstvenoj ustanovi u kojoj će se obaviti zdravstvena usluga i arhivi Zavoda).

- (2) Saglasnost iz stava (1) ovog člana izdaje lice koje ovlasti direktor Zavoda zdravstvenog osiguranja Tuzlanskog kantona.
- (3) Sektor za pravne i opšte poslove dužan je voditi evidenciju o izdatim saglasnostima.

Član 6.

- (1) Ugovorna zdravstvena ustanova je obavezna odmah po izvršenoj zdravstvenoj usluzi sanacije zuba u opštoj anesteziji, a za koju je izdata saglasnost iz člana 5. ove Procedure, Zavodu zdravstvenog osiguranja Tuzlanskog kantona, dostaviti sljedeće:
 - a) Original račun za obavljene zdravstvene usluge sanacije zuba u opštoj anesteziji;
 - b) Medicinsku dokumentaciju o obavljenoj usluzi (operativni ili drugi nalaz o obavljenoj usluzi);
 - c) Original saglasnost izdatu od Zavoda.
- (2) Zavod zdravstvenog osiguranja Tuzlanskog kantona će u roku od 30 dana od dana prijema dokumentacije iz stava (1) ovog člana izvršiti plaćanje ugovornoj zdravstvenoj ustanovi koja je pružila zdravstvenu uslugu sanacije zuba u opštoj anesteziji.

IV POVRAT SREDSTAVA ZA OBAVLJENU ZDRAVSTVENU USLUGU

Član 7.

- (1) Osigurano lice koje je obavilo zdravstvenu uslugu sanacije zuba u opštoj anesteziji i kome je naplaćeno pružanje navedene zdravstvene usluge ima pravo na povrat plaćenih sredstava podnošenjem zahtjeva Zavodu zdravstvenog osiguranja Tuzlanskog kantona u sljedećim slučajevima:
 - a) ukoliko je zdravstvena usluga obavljena prije početka stupanja na snagu ove Procedure,
 - b) ukoliko je zdravstvena usluga obavljena u nekoj drugoj zdravstvenoj ustanovi, jer ugovorna zdravstvena ustanova nije počela sa primjenom ove Procedure,
 - c) medicinska indikacija je upućivala na obavljanje navedene zdravstvene usluge u drugoj ustanovi.
- (2) U slučaju iz stava (1) ovog člana, uz zahtjev se, pored originalnog računa, medicinske dokumentacije o obavljenoj usluzi (operativni ili drugi nalaz o obavljenoj usluzi), bankovnog računa na koji će se izvršiti uplata odobrenih sredstava, podnosi i:
 - a) nalaz i mišljenje doktora stomatologije o potrebi i medicinskoj indikaciji za obavljanje uslugu sanacije zuba u opštoj anesteziji (u slučaju iz stava (1) tačka a) ovog člana),
 - b) konzilijarno mišljenje iz ugovorne zdravstvene ustanove da se radi o medicinskoj indikaciji koja upućuje na složen i specifičan zahvat na sanaciji zuba koji se nije mogao obaviti u njihovoj ustanovi (u slučaju iz stava (1) tačka c) ovog člana).

V PRELAZNE ODREDBE

Član 8.

- (1) Planirana sredstva za finansiranje zdravstvenih usluga sanacije zuba u opštoj anesteziji utvrđuju se Finansijskim planom Zavoda zdravstvenog osiguranja Tuzlanskog kantona za tekuću godinu.
- (2) Sektor za planiranje i praćenje ugovora je dužan da prati realizaciju izvršenja planiranih sredstava za finansiranje zdravstvene usluge sanacije zuba u opštoj anesteziji.

VI ZAVRŠNE ODREDBE

Član 9.

- (1) Ova Procedura stupa na snagu danom donošenja.
- (2) Stupanjem na snagu ove Procedure prestaje da važi Procedura o odobravanju sredstava za finansiranje zdravstvenih usluga – sanacije zuba u opštoj anesteziji broj: 01-0299-3134/15 od 01.12.2015. godine.

Broj: 01-0245-476/19
Tuzla, 28.05.2019.godine



Mirsad Hodžić
DIREKTORA
Mirsad Hodžić, dipl.ecc.



11